

Na temelju člana 72. Zakona o javnim nabavkama Bosne i Hercegovine („Službeni glasnik BiH“ broj 39/14), a nakon provedenog postupka javne nabavke, ugovorene strane:

- 1. KANTONALNO TUŽILAŠTVO KANTONA SARAJEVO – ul. Radićeva br.6, Sarajevo, kojeg zastupa Glavna Kantonalna tužiteljica Kantona Sarajevo DALIDA BURZIĆ, ID: 4200223290004, (u daljem tekstu: Naručilac radova);**
- 2. DSC D.O.O. SARAJEVO - Agencija za zaštitu ljudi i imovine, Ul. Ante Fijamenga br. 14B, Sarajevo, kojeg zastupa direktor Branka Baltić, ID: 4200144230004, (u daljem tekstu: Izvođač radova);**

zaključuje se slijedeći

U G O V O R

O NABAVCI RADOVA NA UGRADNJI PROTUPOŽARNO-SIGURNOSNE ZAŠTITE U ZGRADI KANTONALNOG TUŽILAŠTVA KANTONA SARAJEVO - UGRADNJA VATROOTPORNIH VRATA I VATROOTPORNIH ZAVJESA

Član 1.

Izvođač radova se obvezuje da sa svojim radnicima, koji su spremni i kvalifikovani, izvede radove na ugradnji protupožarno-sigurnosne zaštite u zgradi Kantonalnog tužilaštva Kantona Sarajevo - ugradnja vatrootpornih vrata (4 komada) i vatrootpornih zavjesa (7 komada), a sve prema tehničkoj specifikaciji Konkurentskog zahtjeva broj: A-III-60/18 i prihvaćenoj Ponudi Izvođača radova broj: 211/18 od 30.11.2018. godine, koja je sastavni dio ovog Ugovora.

Član 2.

Izvođač radova preuzima obavezu da nabavi građevinski materijal, neophodan za izvođenje radova iz tačke I. ovog Ugovora.

Član 3.

Dopremu materijala na mjesto izvođenja radova vršit će Izvođač radova. Izvođač radova je dužan da se stara o dopremljenom materijalu kao dobar privrednik.

Član 4.

Naručilac radova ima pravo da vrši nadzor nad obavljanjem ugovorenog posla i da daje uputstva Izvođaču radova, kada to odgovara prirodi posla.

Član 5.

Naručilac radova se obvezuje da Izvođaču radova na ime utrošenog materijala, transporta materijala i opreme i na ime naknade za izvršeni rad, kao i za sve ateste prema ovom ugovoru isplati iznos od 69.970,00 KM bez PDV-a odnosno 81.864,90 KM sa PDV-om, nakon potpisivanja Ugovora, na transakcijski račun broj: 199 049 000 595 8854, otvoren kod Sparkasse banke; i to iz dva dijela: prvi dio iz odobrenih kreditnih sredstava Kantona Sarajevo – obveznice 1 u iznosu od 29.696,45 KM bez PDV-a, odnosno 34.744,84 KM sa PDV-om, a drugi iz odobrenih budžetskih sredstava za rekonstrukciju Kantonalnog tužilaštva Kantona Sarajevo u iznosu od 40.273,55 KM bez PDV-a, odnosno 47.120,05 KM sa PDV-om.

Član 6.

Izvođač radova odgovara Naručiocu radova za kvalitet upotrijebljenog materijala, opreme i za kvalitet izvedenih radova. Izvođač radova je obavezan, po izvršenim radovima, Naručiocu radova da dostavi sve ateste za izvedene radove na ugradnji protupožarno-sigurnosne zaštite u zgradi Kantonalnog tužilaštva Kantona Sarajevo - ugradnja vatrootpornih vrata i vatrootpornih zavjesa.

Izvođač radova dužan je da radove izvrši u dogovorenom roku, kako je ugovoreno i po dobrim poslovnim običajima i pravilima struke.

Izvođač radova dužan je da osigura mjesto izvođenja radova tako da njima ne budu ugroženi ili dovedeni u opasnost radnici koji izvedu radove, niti treće osobe, a u slučaju bilo kakvih propusta u tom pogledu, on snosi odgovornost.

Član 7.

Izvođač radova se obvezuje da radove predviđene ovim ugovorom završi najdalje u roku od 60 (šezdeset) dana od naloga za početak radova Naručioca radova, a o primopredaji posla načinit će se zapisnik.

Član 8.

Izvođač radova se obavezuje na garantni rok na ugrađenu opremu i izvedene radove u periodu od 5 (pet) godina od momenta isporuke i montaže predmetne robe i izvedenih radova.

Član 9.

Naručilac radova može raskinuti ovaj ugovor i prije ugovorenog roka, ako:

- a) se izvođač radova ne pridržava uslova ugovora,
- b) izvođač radova općenito ne radi kako treba, i
- c) ne pridržava se roka za izvršenje ugovorenih radova.

U slučajevima iz prethodnog stava, Naručilac radova može tražiti da mu Izvođač radova nadoknadi pričinjenu štetu.

Član 10.

Ugovorne strane su se saglasile da se u odnosu na pitanja koja nisu uređena ovim ugovorom primjenjuju odgovarajuće odredbe Zakona o obligacionim odnosima.

Član 11.

Eventualne sporove nastale pri realizaciji ovog ugovora, ugovorne strane će nastojati riješiti sporazumno, a ukoliko to nije moguće, nadležan je Općinski sud u Sarajevu.

Član 12.

Ugovor je sačinjen u 4 (četiri) istovjetna primjerka, od kojih svaka strana zadržava po 2 (dva) primjerka.

IZVOĐAČ RADOVA:

Direktor:

Broj: 021-AA-1212/8
Sarajevo, 12.12.2018. godine

NARUČILAC RADOVA:

**Kantonavno tužilaštvo Kantona Sarajevo
Glavna Kantonalna tužiteljica:**

Dalida Burzić

Broj: A-III-60/18-VIII
Sarajevo; 11.12.2018. godine